



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCCXLVII. ad annum MDXXVII.

**Parisiis, 1644**

Mandatvm Florentinorvm.

**urn:nbn:de:hbz:466:1-15644**

ANNO  
CHRISTI  
1513.

*Senator Vrbis & conseruatores.*

Illustris dominus Iulianus senator Vrbis.  
Dominus Hieronymus Venzo, & dominus Stephanus Carbon.

Celebrata itaque Missa per reuerendissimum dominum Franciscum episcopum Sabinensem, cardinalem Vulterranum, & habita oratione per reuerendum patrem dominum Simonem episcopum Modrusiensem, cuius tenor in fine presentis sessionis describitur; cantatisque litanis & euangelio per reuerendissimum dominum Alphonsum sancti Theodori diaconum cardinalem, quod incipit: *Cum Ioan. 20. esset sero die illa una sabbatorum*, &c. sanctissimus dominus noster papa incepit hymnum: Veni creator spiritus, &c. Quo finito, idem sanctissimus dominus noster habuit orationem, & incepit: Pastoralis officii, &c. exhortando patres existentes in Concilio, ad cogitandum ea quæ viderint pro republica Christiana expedire. Et etiam dixit intentionis suæ sanctitatis esse, continuare Concilium, donec fiat vniuersalis concordia & pax inter Christianos. Finita huiusmodi oratione, supradictus magnificus dominus Iacobus Saluiati orator Florentinorum, præsentauit mandatum præfato domino nostro nomine dicti domini ad interessendum Concilio. Et immediate idem dominus noster dedit illud reuerendo patri domino Thomæ Phædræ legendum in ambone. Qui ascendit ambonem, & legit tenoris infra scripti.

# MANDATVM FLORENTINORVM.

*In nomine Dei. Amen.*

Anno Domini nostri Iesu Christi ab eius salutifera incarnatione millesimo quingentesimo decimotertio, indictione prima, die vero quarta mensis Aprilis, tempore pontificatus sanctissimi in Christo patris & domini, domini Leonis diuina prouidentia papæ X. Cum superioribus mensibus, die videlicet trigesima mensis Decembris 1513. sacrosancto Concilio Lateranensi per felicitis memoriæ Iulium pontificem maximum indicto & celebrato interesse atque adhærere summopere recuperemus, vt veros Christianos decet, mandauimus tribus legatis nostris tunc,

*Concil. Tom. 34.*

K k ij



ac etiam ad præsens Romæ degentibus, Iacobo videlicet Saluiato, Matthæo Stroza, ac Francisco Victori, nobilibus ciuibus nostris & cuilibet ipsorum in solidum, vt nostro nomine tali muneri atque officio in tali Concilio interessent atque adharerent, vt de tali mandato per nos facto & celebrato publicum constat documentum infra scripti tenoris & exempli.

*In Dei nomine. Amen.*

Anno Domini nostri Iesu Christi ab eius salutifera incarnatione 1513. indictione prima, die vero trigesima mensis Decembris, tempore pontificatus sanctissimi in Christo patris & domini, domini Iulii diuina prouidentia papæ secundi, prospexit tandem Deus noster de excelsis sancto suo, *Dominus de caelo in terram adspexit*. Fluctuante enim Christiana nauicula & periclitante, ne ictibus mergeretur vndarum immanium & pessimarum, dies tandem illuxit, quo ventorum rabie sedata, & placatis positisque procellis, salutarem nauis repererit portum Christi, qui cum in terris homo factus versaretur, salutem mundo allaturus, nulli rei magis incubuit, nihil præ se tulit vberius, quam vt pacem procuraret, suis pacem relinqueret. Neque a nobis postmodum discessurus quidquam dulcius mandauit discipulis, quam vt pacem colerent, paci studerent, pacem rebus in omnibus amplexarentur. Neque id mirum. Quid enim pace sanctius, quid iucundius, quid vel nomine ipso pacis suauius? Hæc enim bonos nutrit, dispersos cogit, noxia quæque tollit, & salutem perennem non parat modo, sed præstat. Hac vna re motus sanctissimus ac beatissimus in Christo pater & dominus noster, dominus Iulius diuina prouidentia papa secundus, & catholicæ ecclesiæ pontifex maximus, verus & indubitatus Christi vicarius, Petri successor, cum videret Christianam pacem atque vnitatem discindi atque dilacerari, plures in vinea Domini Sabaoth hæreses pullulare, apros de filua imminere vineam ipsam iamiam profanaturos atque exterminaturos, schisma inter Christianos serpere mortiferumque & abominandum, lupos complures ouium pellibus amictos dominicum gregem inuadere; occurrendum protinus imminenti malo, atque exterminandum tam immane

*Psal. 101.*

*Joan. 14.*

ANNO  
CHRISTI  
1513.



ANNO  
CHRISTI  
1513.

facinus duxit. Ideoque de consensu sacrosancti reuerendissimorum cardinalium collegii, Concilium superiore anno indixit legitimum, sacrosanctum, Romæ apud sanctam Lateranensem ecclesiam, ad quam Christiani omnes conuenirent, ab eo vocati in communem defensionem Christianæ reipublicæ, & eorum animaduersionem, qui tunicam inconsutilem atque vnicam Domini nostri Iesu Christi discindere, in partesque varias distrahere moliantur. Cumque Florentinæ reipublicæ, inter Christianas primarias respublicas non postremæ, ad Conciliumque huiusmodi vocatæ, partes suas tueri, neque communi rei deesse conueniat, obsequendum votis vocationique sanctissimi domini nostri papæ statuit, vt Christianos principes decet: idcirco cum respublica ipsa coram interesse Lateranensi sacrosancto Concilio non possit, communem ceterorum vsum secuta, vicarios suos tali muneri destinandos decreuit. Quapropter nos priores libertatis, & vexillifer iustitiæ populi Florentini de Balia, vna cum consilio nostræ Baliæ, omnibus modis, quibus magis, melius & validius potuimus ac possumus, statutorum ac legum nostræ reipublicæ more seruato, facimus, constituimus, creamus & solenniter ordinamus procuratores nostros & nostræ reipublicæ, ac vices nostras ac reipublicæ ipsius nostræ demandamus nobilibus ciuibus nostris Iacobo Saluiato Ioannis filio, Matthæo Strozæ Laurentii filio, & Francisco Victori Petri filio, oratoribus nostris apud summum pontificem Romæ degentibus, quibus omnibus simul, & vnicuique ipsorum seiunctim & separatim nostras nostræque reipublicæ vices mandauimus atque mandamus, vt sacrosancto Concilio Lateranensi prædicto nostro nomine intersint, assistant, adhæreant, præstent & transigant, quæ a nobis nostraque respublica præstari, exhiberi ac transigi quoquo modo possint in decus, honorem, dignitatem amplitudinemque præfati sacrosancti Concilii Lateranensis & exaltationem eiusdem sanctissimi domini nostri Iulii secundi pontificis maximi, & sanctæ Romanæ ecclesiæ catholicæ antedictæ, dantes eisdem oratoribus nostris & eorum cuilibet amplissimam auctoritatem, potestatem atque arbitrium ad omnia & singula in prædictis & circa prædicta, videli-

K k iij



ANNO  
CHRIST  
1511

cet, quæ in tam pio & salutari ac religioso negotio tractanda, peragenda, promittenda, præstanda, & executioni mandanda atque adimplenda forent, quæ nos cum præfato nostro consilio Balia ex forma statutorum ac legum reipublicæ nostræ quoquo modo facere, tractare, promittere, præstare, ac executioni mandare atque adimplere possemus ac possumus, & quæ nos ipsi facere possemus, si præsentibus præfato sacrosancto Concilio interfessemus, promittentes omnia & singula a præfatis oratoribus nostris vel altero ipsorum facta, gesta, promissa, præstita que in præmissis & circa præmissa, nos approbaturus esse, rataque & grata in perpetuum habituros, decernentes præfens nostrum mandatum vires habiturum & duraturum, donec præfati oratores nostri vel ipsorum quilibet in præfata legatione permanerit apud præfatum sanctissimum dominum nostrum Iulium pontificem maximum. In quorum omnium fidem & testimonium præfens mandatum fieri iussimus & publicari in forma nostræ reipublicæ consueta.

Datum in palatio nostro, die quo supra.

Ego Antonius olim ser Anastasii, ser Amerigi de Vespucis, imperiali auctoritate iudex ordinarius notariusque publicus & ciuis Florentinus, nec non cancellarius extractus officiorum populi & communis Florentiæ, prædictis omnibus & singulis, dum sic agebantur, interfui, eaque rogatus scribere, scripsi rogatus & publicaui, & in hanc publicam formam redegi, & aliis magis arduis negotiis occupatus, alii mihi fido scribendum commisi. Et quia cum meo originali concordare inueni, ideo in fidem præmissorum me subscripsi, & solito mei signo signavi. Nunc autem eodem Iulio pontifice maximo ab humanis substracto, & in legitimum eius locum ac sanctæ sedis apostolicæ successorem diuina prouidentia suffecto sanctissimo ac beatissimo domino nostro, domino Leone decimo pontifice maximo, vero Christi vicario, ac Petri legitimo successore, qui idem sacrosanctum Lateranense Concilium in Christianæ reipublicæ sanctificationem ac decus proficere & celebrare pro sua diuina clementia destinat, ita nobis significantibus præfatis legatis, præfati sanctissimi domini nostri nomine non visum est, ut com-



ANNO  
CHRISTI  
1513.

muni Christianorum causæ, tam sanctæ, tam diuinæ, quantum in nobis est, desimus. Idcirco notum singulis atque vniuersis esse volumus, quibus interest, aut quomodolibet interesse posset, si qua in re per præfati felicitis recordationis Iulii pontificis obitum, eidem mandato nostro subtractum, aut aliqua in parte diminutum quomodolibet sit, aut esse per quemquam putaretur, id nos omnemque rempublicam nostram huius instrumenti nostri serie penitus supplere, instaurare & sufficere. Volumusque eiusmodi mandatum, omni dubitatione remota, in suo robore penitus perstare & remanere, eosdemque legatos nostros, & quemlibet eorum, eadem facultate, auctoritate & potestate frui debere & posse, qua frui debebant ac poterant, dum præfatus felicitis memoriæ Iulius pontifex maximus in humanis ageret: decernentes præfens nostrum mandatum vires habere ac durare debere, donec præfati oratores nostri, vel ipsorum quilibet in præfata legatione permanserit apud præfatum sanctissimum dominum nostrum, dominum Leonem decimum pontificem maximum. In quorum omnium fidem ac testimonium præfens fieri iussimus instrumentum, eundemque Antonium Vespuccium secretarium nostrum, notariumque publicum, de prædictis vnum seu plura, prout opus fuerit, conficere instrumenta.

Datum in palatio nostro, die quo supra.

Ego idem Antonius olim ser Anastasii, ser Amerigi de Vespuccis, imperiali auctoritate iudex ordinarius, notariusque publicus & ciuis Florentinus, nec non cancellarius extractus officiorum populi & communis Florentiæ, prædictis omnibus & singulis dum sic agebantur, interfui; eaque rogatus scribere, scripsi, rogavi & publicaui, & in hanc publicam formam redegi, & aliis magis arduis negotiis occupatus, alii mihi fido scribere commisi. Et quia cum meo originali concordare inueni, ideo in fidem præmissorum me subscripsi, & solito mei signo signaui.

Deinde dominus Marius de Peruschiis procurator Concilii, reproduxit bullam seu monitorium contra profitentes pragmaticam, tenoris prout supra continetur, dans eius executionem a tergo, videlicet:



Anno a natiuitate Domini millesimo quingentesimo  
 decimotertio, indictione prima, pontificatus sanctissimi  
 domini Iulii diuina prouidentia papæ secundi anno de-  
 cimo, die vero decimaquinta mensis Februarii, præsen-  
 tes retroscriptæ literæ apostolicæ præfati sanctissimi do-  
 mini nostri papæ fuerunt affixæ & publicatæ in metro-  
 politana Mediolanensi, & in cathedrali Papiensi die de-  
 cimasexta, ac cathedrali Astensi die decimaoctaua men-  
 sis Februarii, affixæ & publicatæ in valuis seu portis, &  
 ibidem per longum temporis spatium dimissæ, vt ab om-  
 nibus ibidem stantibus legi & intelligi possent. Deinde  
 copię earundem literarum ibidem affixæ, dimissæ fue-  
 runt in signum veræ publicationis earundem literarum  
 prædictarum, per me Franciscum Vaca sanctissimi do-  
 mini nostri papæ cursorem: & dictus dominus Marius  
 procurator accusauit eorum contumaciam prælatorum  
 & aliorum interesse debentium sacro Concilio huius-  
 modi, & non interessentium, petens decerni citationem  
 contra eosdem: & sanctissimus dominus noster nihil re-  
 spondit. Demum exclusis aliis non habentibus vocem de-  
 finitiuam, exceptis oratoribus & baronibus ac prælatis,  
 & clausis portis dicti Concilii, vt moris est, sanctissimo  
 domino nostro Leone decimo, cum ceteris prælatis, sa-  
 cris vestibus indutis & mitratis, in suis locis confidenti-  
 bus, reuerendus pater dominus Robertus archiepisco-  
 pus Reginensis ascendit ambonem, & legit schedulam  
 tenoris infra scripti, de mandato dicti sanctissimi domi-  
 ni nostri.

*Leo episcopus seruus seruorum Dei, ad futuram rei memoriam,  
 sacro approbante Concilio.*

Superna illius ordinatione, qui cælestia & terrestria  
 omnipotentis prouidentia moderatur, sanctæ suæ vni-  
 uersali ecclesiæ licet immeriti præsidentes, inter multi-  
 plices curas, quibus assidue angimur, doctoris gentium  
 salubri sanctissimaque doctrina moniti, ad ea maxime  
 aciem nostræ mentis conuertimus, per quæ in ecclesia ip-  
 sa perpetua vnitas & caritas inuiolata perdurent, grex-  
 que nobis commissus rectis tramitibus in viam salutis  
 procedat, ac Christicolarum nomen & preciosa crucis  
 signum,



ANNO  
CHRISTI  
1553.

signum, in quo fideles saluati sunt, infidelibus expulsis, dextera Dei assistente, latius diffundatur. Sane postquam felicitis recordationis Iulius papa secundus prædecessor noster sacrum generale Lateranensē Concilium, de venerabilium fratrum nostrorum sanctæ Romanæ ecclesiæ cardinalium, de quorum numero tunc eramus, consilio & assensu, laudabiliter, legitime & ex rationabilibus causis, Spiritu sancto cooperante, & in eo quinque sessiones tenuerat, sextamque sessionem tertio Idus præsentis mensis faciendam indixerat, nos, dicto prædecessore de medio sublato, extunc expressis & aliis causis nostrum & dictorum fratrum animum mouentibus, sextam sessionem huiusmodi, de eorundem fratrum consilio & assensu, vsque in hodiernum prorogauimus. Cum autem in minoribus constitutis semper nobis insitum cordi fuerit, generale Concilium, vtpote agri dominici culturam præcipuam, celebrari videndi, nunc ad apostolatus apicem assumpti, honesto vtilique desiderio nostro debitum ex iniuncto nobis curæ pastoralis officio accessisse conspicientes, rem hanc ardentiori voto & tota animi alacritate suscepimus. Itaque prorogationem huiusmodi per nos factam, approbante eodem sacro Lateranensi Concilio, approbamus, ac Concilium ipsum vsque ad perfectionem causarum, propter quas indictum exitit, & præsertim, vt inter principes & potentatus Christianos, bellis atrocibus pacatis, hostilibusque armis depositis, vniuersalis & firma pax componi valeat, pro qua indefessa sollicitudine, nihil pro tam salubri bono intactum relinquendo, omnes conatus nostros adhibere intendimus, prosequi, & fine debito terminare velle, nostrique incommutabilis animi & intentionis fore & esse declaramus, vt iis quæ ad Dei laudem ecclesiæque præfatæ exaltationem ac Christi fidelium concordiam pertinent, peractis, sancta ac necessaria expeditio contra catholicæ fidei hostes fieri, feliciterque ex illis, Altissimo fauente, triumphari possit. Vt autem ad tantum perutile Concilium accedere debentes ab accessu huiusmodi quomodolibet non retrahantur, omnibus & singulis ad celebrationem Concilii præfati per dictum Iulium prædecessorem conuocatis, aut in congregationibus Conciliorum

*Concil. Tom. 34.*

LI



generalium de iure vel consuetudine interesse debentibus, præsertim Gallicæ nationis, & ad dictum Concilium Lateranense venientibus, schismaticis & aliis quibuscumque, de iure communi vel speciali, per sententiam seu literas apostolicas prædecessorum nostrorum, vel sedis apostolicæ, prohibitis dumtaxat exceptis, venientiumque seruitoribus & familiaribus, cuiuscumque status, gradus, conditionis vel nobilitatis existentibus, ecclesiasticis & sæcularibus, pro se & eorum bonis quibuscumque, non obstantibus quibuscumque censurarum & poenarum ecclesiasticarum & sæcularium adiectionibus, contra eos ex quibuscumque causis, a iure, vel per sedem præfatam, sub quibuscumque verborum formis & clausulis generaliter promulgatis, & quas generaliter incurrerunt, per ciuitates, terras & loca terrestria & maritima Romanæ ecclesiæ præfatæ subiecta, ad Concilium Lateranense ad Urbem huiusmodi veniendi, & in ea morandi & libere consulendi, & ab ea quoties videbitur recedendi, liberum, tutum, plenum & omnimodum saluum conductum, cum plena, libera, tuta & omnimoda securitate, atque in vera & infallibili fide pontificia, approbante sacro Concilio præfato, harum serie damus & concedimus. Et nihilo minus omnes & singulos reges, principes & potentatus Christianos per literas nostras hortabimur, monebimus & requiremus, vt pro summi Dei & apostolicæ sedis reuerentia, venientes ad sacrum Lateranense Concilium huiusmodi, directe vel indirecte, quomodolibet in persona vel bonis non molestant, seu molestari faciant, sed eos libere, secure & quiete venire permittant. Ceterum pro exequenda celebratione ipsius Concilii, septimam sessionem decimo Kalendas Iunii proxime futuri faciendam indicimus. Nulli ergo omnino hominum liceat hanc paginam nostræ approbationis, declarationis, continuationis, prosecutionis, concessionis, monitionis & requisitionis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei ac beatorum Petri & Pauli apostolorum eius se noverit incursurum.

Data Romæ in publica sessione, in Lateranensi sacrosancta basilica solenniter celebrata, anno incarnationis

ANNO  
CHRISTI  
1511.



ANNO  
CHRISTI  
1513.

dominicæ millesimo quingentesimo decimotertio, quinto Kalendas Maii, pontificatus nostri anno primo.

Die Mercurii vigesima septima Aprilis, millesimo quingentesimo decimotertio. Lecta per reuerendum dominum Robertum archiepiscopum Rheginum.

Qua perlecta, petiit idem reuerendus dominus archiepiscopus, an placerent paternitatibus suis contenta in schedula. Et omnes responderunt, placere contenta in schedula. Et fuit indicta septima sessio decimo Kalendas Iunii. Super quibus omnibus & singulis præfatus dominus Marius procurator petiit instrumentum & instrumenta.

Demum reuerendus pater dominus Carolus Orpheus sedis apostolicæ notarius dedit mandatum reuerendi patris domini Pauli Zanæ episcopi Brixienfis, & instrumentum excusationis illius. Et reuerendus pater dominus Franciscus Infort, literarum apostolicarum sollicitator, dedit mandatum reuerendi patris domini Georgii episcopi Conimbrienfis. Et reuerendus pater dominus Bernardus archiepiscopus Spalatenfis dedit mandatum reuerendi patris domini Octauiani episcopi Viterbienfis, & dominus Iacobus Gerteuutz dedit mandatum reuerendi patris domini Ioannis episcopi Misnenfis, ad interessendum Concilio huiusmodi.

*Congregatio prælatorum in Lateranensi palatio  
pro rebus Concilii.*

Anno a natiuitate Domini 1513. indictione prima, die vero Veneris decima quarta mensis Maii, pontificatus sanctissimi in Christo patris & domini nostri domini Leonis papæ decimi anno primo, post meridiem, in basilica Lateranensi, in aula qua itur ad sancta sanctorum, vulgari-ter nuncupata aula Concilii, fuit congregatio prælatorum existentium in vrbe. Et fuerunt præsentés cardinales, generales ordinum, videlicet:

Reuerendissimus dominus Raphael episcopus Ostienfis, sanctæ Romanæ ecclesiæ camerarius, cardinalis sancti Georgii nuncupatus.

Reuerendissimus dominus Thomas sancti Martini in  
*Concil. Tom. 34.*

Ll ij



montibus presbyter cardinalis, Strigoniensis nuncupatus. ANNO  
Reuerendissimus dominus Alexander sancti Eustachii CHALIST  
diaconus cardinalis, de Farnesio nuncupatus. 1513.

Insuper fuerunt praesentes octuaginta & septem patriarcha, archiepiscopi & episcopi. Fuitque propositum per praefatum reuerendissimum Raphaellem episcopum Ostiensem, etiam de mandato sanctissimi domini nostri, quod difficile foret pro singulo negotio tractando in Concilio congregare omnes praelatos: ideo sequendo ordinem & modum aliorum Conciliorum, paternitates suae eligerent aliquos praelatos graues & doctos, qui essent una cum reuerendissimis cardinalibus, ad pertractandum coram sanctissimo domino nostro ea quae in sessionibus conciliaribus essent proponenda. Et ita praelati ibidem existentes dixerunt fore honestum & rationi consonum. Et ad electionem pralatorum deputandorum processerunt, mediantibus fabis albis & nigris, seu cum fabis albis & nigris: & ita elegerunt vigintiquatuor praelatos, videlicet:

Reuerendum dominum Bernardum episcopum Taruissinum gubernatorem Urbis.

Archiepiscopum Senensem.

Episcopum Terdonensem.

Episcopum Bidunensem.

Archiepiscopum Salernitanum.

Archiepiscopum Florentinum.

Episcopum Cumanum.

Archiepiscopum Tranensem.

Episcopum Fauentinum.

Episcopum Melitensem.

Episcopum Castelli maris.

Episcopum Signensem.

Episcopum Modrusiensem.

Episcopum Alexandrinum.

Episcopum Cauallicensem.

Archiepiscopum Rheginum.

Archiepiscopum Spalatensem.

Episcopum Relisinum.

Episcopum Iustinopolitanum.

Archiepiscopum Nazarenum.

Episcopum Ilcinensem.

Episcopum Vrbinateensem.

Episcopum Anglionensem.

Episcopum Taurinensem.



*Prorogatio septimæ sessionis.*

Deinde die vigesima supradicti mensis Maii, discretus vir dominus Ennardus Duuiuer, præfati sanctissimi domini nostri cursor, retulit se affixisse literas prorogationis septimæ sessionis tenoris infra scripti.

*Leo episcopus seruus seruorum Dei.*

Prouidentia sedis apostolicæ plurimum circumspecta, nonnunquam ea quæ certis tunc suadentibus causis & rationibus, statutis temporibus facere disposuit, ex aliis non minus ponderandis rationibus & causis in aliud tempus in melius commutat & prorogat, prout id in Domino videt salubriter expedire. Cum itaque in sexta sessione sacri Lateranensis Concilii solenniter celebrata, in qua nos Concilium prosequi & fine debito terminare velle, eodem sacro Concilio approbante, nuntiauimus, septimam sessionem Concilii præfati decimo Kalendas Iunii proxime futuri faciendam indixerimus, & certis superuenientibus legitimis causis, præsertim quia propter temporis angustiam materiæ in dicta sessione proponendæ prælatis deputatis & aliis generaliter interessere in dicta sessione debentibus notificari non potuerunt: aduentus quoque venerabilis fratris Ioannis archiepiscopi Gneznen- sis primatis Poloniæ, carissimi in Christo filii nostri Sigismundi Poloniæ regis oratoris, ad præstandum nobis dicti regis nomine obedientiam, & adharendum ac se incorporandum nomine totius Polonicæ nationis sacro Lateranensi Concilio, ad Urbem de proximo expectatur: qui dictæ septimæ sessioni, quæ vltima erit ante Kalendas Octobris proxime venturi, interessere cupit: aliisque causis nobis & venerabilibus fratribus nostris sanctæ Romanæ ecclesiæ cardinalibus notis, septima sessio decimo Kalendas huiusmodi commode celebrari non possit, fatiusque visum sit eam ad aliquot paucos dies post decimum Kalendas præfatas celebrandam prorogare: Nos vrgentibus rationibus moti, de fratrum prædictorum consilio & vnanimi assensu, septimam sessionem prædictam ad decimum quintum Kalendas Iulii, quæ erit sexta feria, prorogamus, & ipsam decimo quinto Kalendas Iulii faciendam indicimus.



Data Romæ in palatio apostolico, die vigesima mensis  
Maii, 1513. pontificatus nostri anno primo.

## P L A C E T.

Anno a natiuitate Domini 1513. indictione prima, die  
vero tertia mensis Iunii, sanctissimus dominus noster di-  
uifit supradictos prælatos deputatos per congregationem,  
vt aliqui eorum tractarent ea quæ spectant ad pacem vni-  
uersalem componendam inter principes Christianos, &  
etiam quæ spectant extirpationi schismatis: & alii ad tra-  
ctandum ea quæ spectant ad fidem, & super reformatio-  
ne & abolitione pragmaticæ sanctionis. Et etiam sancti-  
tas sua vltra prælatos deputatos per congregationem, ad-  
didit alios, qui interesse deberent congregationibus par-  
ticularibus faciendis, ac etiam addidit generales ordinum.  
Deputati fuerunt tales, & primo.

*Deputatio pro rebus pacis vniuersalis componendæ inter principes  
Christianos, & pro extirpatione schismatis,  
est de infra scriptis, videlicet:*

Reuerendissimus dominus Vulterranus.  
Reuerendissimus dominus Strigoniensis.  
Reuerendissimus dominus Surrentinus.  
Reuerendissimus dominus de Flisco.  
Reuerendissimus dominus sancti Chrysogoni.  
Reuerendissimus dominus de Finario.  
Reuerendissimus dominus de Farnesio.  
Reuerendissimus dominus Mantuanus.

*Prælati his adiungendi sunt infra scripti, electi per vniuersos  
prælatos Concilii.*

Reuerendus dominus Gubernator episcopus Taruisinus.  
Reuerendus dominus Terdonensis.  
Reuerendus dominus Bisignianensis.  
Reuerendus dominus Salernitanus.  
Reuerendus dominus Florentinus.  
Reuerendus dominus Cumanus.  
Reuerendus dominus Theatinus.  
Reuerendus dominus Fauentinus.

*Additi per sanctissimum dominum nostrum de his qui non inter-  
fuerunt congregationi tempore electionis.*

Reuerendus dominus archiepiscopus Gneznenfis, orator Poloniæ.